

BIDEAN BAKEGILE

-Ziortzara bake-eske:2014-

1

Bizkai aldeko anai-arrebok,
honuntz ondo etorriak!
Danok bedeinka zagiezala
Jesus Jaun maitagarriak.
Hemen alkartu gaitu barriro
gure bake-egarriak,
ez dira alperrik izango gaurko
gure ahalegin barriak.

2

Bake-bidea hain da luzea
ta gainera aldats gora,
zertxobait lortu orduko barriz
bihurtzen gara lehengo
Errez galtzen da ta nekez lortu
baina gatozan gaurkora:
laguntza eske gaur Ziortzara
goaz Amaren ondora.

3

Batek hemendik, besteak handik
biraoka ta hasarrez,
bakez ta onez alperrik da ta
ez ete hobe sugarrez?
Bakea ezin da eskuratu
berez ta halanbeharrez,
Jesus Jaunak lez lortuko dogu
maitasunaren indarrez.

4

Batera esan, bestera hartu,
okerreko erantzuna,
egia gorde, guzurra borbor
galdu al dogu zentzuna?
Egi osorik inok ez dauka
eta nok zuzentasuna?
Jesus Jaunaren bidea hau da:
"Desbardinaren batasuna"

5

Nor dan ona ta nor dan gaiztoa,
nahastuta dagoz batera;
ta gehienetan maltzur gaiztoak
urteten deusku aurrera.
Jesusek dino: "Neuk bialduta
zoaze otso artera,
bihotz-haundiko izan zaiteze
nire Aitaren antzera".

6

Bake-kontuak itzita gabiz
bakotxa geure lanetan,
sarri uste dot ete gabizan
bake-bila amesetan.
Halan be ekin ta jardun daigun
guztiok ahaleginetan,
izan "bidean bakegile" ta
beti jokatu benetan.

7

Hau da eskuma, hori ezkerra
eta bestea erdiko,
hainbeste etsai bake santuan
inoiz al dira biziko?
Horra ateo, hara musulman,
gu ei gara katoliko...
baina ez ahaztu danentzat zala
jatsi gure Jesukristo.

8

Bakea gura, bakea behar,
hau barik bizi ezinez,
ikusten danez, ezin da lortu
burrukaz eta mitinez.
Alkar ulertzen, alkar onartzen
hori da bidea zinez,
zu ta ni behintzat bakegile izan
bake-bideak eginez.